

dimittantur: si extra Ecclesiam Catholicam nullus salvetur. Cum in his omnibus examinatus inventus fuerit plenè instructus, tunc cum consensu Clericorum & laicorum, & conventu totius provincie Episcoporum, maximèque Metropolitanì vel autoritate vel presentia ordinetur Episcopus. Suscepto in nomine Christi Episcopatu, non suæ delectationi, nec suis motibus, sed his Patrum diffinitionibus acquiescat. In cujus ordinatione etiam aetas requiratur, quam sancti Patres in praeligendis Episcopis constituerunt.

Episcopus cum ordinatur, duo Episcopi ponant & teneant Evangeliorum codicem super caput & cervicem ejus: & uno super eo fundente benedictionem, reliqui omnes Episcopi qui adsunt, manibus suis caput ejus tangant.

Can. 2. ejusdem Conc.

Non longe ab Ecclesia Hospitiolum habeat.

Can. 14. ejusdem Conc.

Vilem suppellectilem & mensam ac victum pauperem habeat, & dignitatis suæ auctoritatem fide & vitæ meritis quærat.

Can. 15. ejusdem Conc.

Gentilium libros non legat, Hæreticorum autem pro necessitate & tempore.

Can. 16. ejusdem Conc.

Gubernationem viduarum & pupillorum ac peregrinorum non per seipsum, sed per Archipresbyterum, aut per Archidiaconum agat.

Can. 17. ejusdem Conc.

Tuitionem testamentorum non suscipiat.

Can. 18. ejusdem Conc.

Pro rebus transitoriis non litiget provocatus.

Can. 19. ejusdem Conc.

Nullam rei familiaris curam ad se revocet, sed lectioni & orationi & verbi Dei prædicationi tantummodo vacet.

Can. 20. ejusdem Conc.

Ad Synodum ire non sine satis gravi necessitate inhibeatur: sic tamen, ut in sua persona legatum mittat, suscepturus salva fidei veritate, quicquid Synodus statuerit.

Can. 21. ejusdem Conc.

Sine consilio Clericorum suorum, Clericos non ordinet, ita ut civium conniventiam & testimonium quærat.

Can. 22. ejusdem Conc.

Nullius causam audiat absque presentia Clericorum suorum: alioquin irrita erit sententia Episcopi, nisi Clericorum sententia confirmetur.

Can. 23. ejusdem Conc.

De loco ignobili ad nobilem per ambitionem non transeat, nec quicquam inferioris ordinis Clericus. Sane si id utilitas Ecclesiæ fiendum poposcerit, decreto pro eo Clericorum & laicorum Episcopis porrecto, in presentia Synodi transferatur, nihilominus alio in locum ejus Episcopo subrogato.

Can. 27. ejusdem Conc.

Rebus Ecclesiæ tanquam commendatis, non tanquam propriis utatur.

Can. 31. ejusdem Conc.

Denique in Ecclesiâ & in confessorio presbyterorum sublimior sedeat. Intra domum verò collegam se presbyterorum esse cognoscat.

Can. 35. ejusdem Conc.

Hæc ex Concilio Carthagenensi quarto, quæ, licet longiuscula, referre haud moratus sum ob singularem verborum & doctrinæ præstantiam, & quod in iis præcipua omnia quæ de antiqua Episcoporum politia dici possunt paucis reperiantur. Sed satis de